

瑜伽師地論

古籍

第四十九

惡九

二百廿七

49039



瑜伽師地論卷第四十九

彌勒菩薩說

沙門玄奘奉詔譯



愿

本地分中菩薩地第十五

第三持究竟瑜伽處地第三

如前所說十三住中應知隨彼建立七地前

之六種唯菩薩地第七一種菩薩如來雜立

為地何等為七一種姓地二勝解行地三淨

勝意樂地四行正行地五決定地六

地七到究竟地如是七種菩薩地中最後一

種名為雜地前種姓住各種姓地勝解行住

名勝解行地極歡喜住名淨勝意樂地增上

戒住增上心住三種增上慧住有加行有功



用無相住名行正行地無加行無功用無相
住名決定地此地菩薩墮在第三決定中故
無礙解住名決定行地最上成滿菩薩住及
如來住名到究竟地如來住地於後建立佛
法品中當廣演說

問菩薩從勝解行地隨入淨勝意樂地時云

惡 瑜伽師地論四九

何超超諸惡趣等答是諸菩薩依止世間清
淨靜慮於勝解行地已善積集菩提資糧於
如前說百一十苦諸有情類修習哀愍無餘
思惟由此修習為因緣故於彼色類諸有情
所得哀愍意樂及悲意樂由是因緣為利惡
趣諸有情故誓居惡趣如已舍宅作是誓言

我若唯住如是處所能證無上正等菩提亦
能忍受為除一切有情苦故一切有情諸惡
趣業以淨意樂悉願自身代彼領受苦異熟
果為令畢竟一切惡業永不現行一切善業
常現行故心發正願彼由修習如是世間清
淨靜慮悲願力故一切惡趣諸煩惱品所有
麁重於自所依皆得除遣由此斷故菩薩不
久獲得轉依於諸惡趣所有惡業畢竟不作
於諸惡趣決定不往齊此菩薩說名超過一
切惡趣亦名超過勝解行地亦名已入淨勝
意樂地如前住品所說信等能淨修治諸住
十法今於此中當知亦能淨修治地如是十

法所有安立所治能治略義次第皆應了知
謂彼十種淨修地法能對治彼所對治法故
得安立何等為十謂一切種全未發心全未
受持菩薩學處是名為信所對治法對治彼
故安立於信於諸有情有損害心是名為非
所對治法對治彼故安立於悲於諸有情有
惡 瑜加師論四九
瞋恚心是名為慈所對治法對治彼故安立
於慈於身命財有所顧戀是名為捨所對治
法對治彼故安立於捨於諸有情怖求報恩
見彼邪行貪著利養多有所作是無厭倦所
對治法對治彼故安立無倦無有方便善巧
加行是善知論所對治法對治彼故立善知

論性不柔和不於他心隨順而轉是名善知
一切世間所對治法對治彼故安立善知一
切世間於修善法放逸懈怠是名慚愧所對
治法對法彼故安立慚愧於其長時種種猛
利無間無斷生死大苦深生怯弱當知是名
堅力持性所對治法對治彼故所以安立堅
力持性於大師所猶豫疑惑當知是名供養
如來所對治法對治彼故所以安立供養如
來如是且說所治能治安立十法
云何

復名如是略義謂此十法略顯二義一者顯
示意樂清淨二者顯示加行清淨當知前三

顯示菩薩意樂清淨其餘七種顯示菩薩加
行清淨

如是十法次第云何謂諸菩薩於大菩提先
深淨信次於有苦諸有情類發起悲愍起悲
愍時如是誓願我應拔濟一切有情令其安

樂而起慈心起慈心已一切能捨於身命財

思 瑜伽師地論第九

三

無所顧戀無顧戀已即為彼義精勤加行無
有厭倦無厭倦已善知諸論善知論已如世
間轉即如是知知世間已若自煩惱率尔現
行深生慚愧生慚愧已不隨煩惱自在而行
便能獲得堅力持性由正獲得堅力持性於
正加行能無退轉無量善法運運增長能於

如來奉獻上妙正行供養敬供養是故最
後供養如來是名十法次第修證當知如是
十種善法於一切地能淨修治

本地分中菩薩地第十五

第三持究竟瑜伽處行品第四

菩薩始從勝解行地乃至最後到究竟地於
此一切菩薩地中當知略有四菩薩行何等
為四一者波羅蜜多行二者菩提分法行三
者神通行四者成熟有情行前說六種波羅
蜜多及方便善巧波羅蜜多願波羅蜜多力
波羅蜜多智波羅蜜多如是十種波羅蜜多
摠名波羅蜜多行如前所說十二行相方便

善巧當知說名方便善巧波羅蜜多如前所
說五種大願當知名願波羅蜜多所有十力
加行清淨當知名力波羅蜜多於一切法如
實安立清淨妙智當知名智波羅蜜多今於
此中能取勝義無分別轉清淨妙慧當知名
慧波羅蜜多能取世俗有分別轉清淨妙智
惡 瑜加師地論四九
當知名智波羅蜜多如是名為二種差別復
有異門謂無量智當知說名方便善巧波羅
蜜多希求後後地智殊勝性當知名願波羅
蜜多一切魔怨不壞道性當知名力波羅蜜
多如實覺了所知境性當知名智波羅蜜多
四念住等所有一切三十七種菩提分法四

種尋思四如實智皆如前說揔名菩薩菩提
分法行如前所說威力品中菩薩所有六種
神通是名神通行如前所說二種無量一所
謂伏界無量二調伏方便界無量及成熟品
中所說一切成熟有情揔名菩薩成熟有情
行如是四種菩薩妙行當知普攝一切菩薩
所行善行

應知此中施等十法經三大劫阿僧企耶長
時修習乃圓證故自性清淨體殊勝故過餘
一切世間聲聞獨覺善根攝受最勝菩提果
故如是十法最極長時乃能圓證自性最極
清淨殊勝能得最極菩提妙果是故說名波

羅蜜多

應知如是波羅蜜多由二因緣次第建立何
 等為三一由對治故二由生起故三由異熟
 果故云何如是波羅蜜多由對治故次第建
 立謂慳惡行於諸有情怨恨逼惱懈怠亂
 闍惡鈍惡愚癡如是六法能障善提施等六法能
瑜加地論云
 為對治如其所應建立六種波羅蜜多當知
 所餘波羅蜜多即此所攝如是名為由對治
 故次第建立云何如是波羅蜜多由生起故
 次第建立謂諸菩薩先於財位無所願戀棄
 家諸欲受淨尸羅敬重戒忍他惱不惱
 於他受持淨戒修習忍已戒淨無動無間無

斷於諸善品勤修加行如是修習勤精進故
離諸放逸能觸妙善心一境性心得定故如
實了知觀見一切所知境界當知是名由生
起故次第建立云何如是波羅蜜多由異熟
果次第建立謂諸菩薩於現法中精勤修學
施等善法由是因緣於當來世獲得種種外
妙珍財無不圓滿當知是施波羅蜜多因力
所作獲得內五自體圓滿是餘戒等波羅蜜
多因力所作

云何內五自體圓滿謂善趣攝若天若人於
餘有情壽等殊勝當知是名第一圓滿若有
俱生於善加行常無厭倦堪忍他惱不樂惱

他當知是名第二圓滿若有俱生普於一切
所作事業堅固勇猛當知是名第三圓滿若
有俱生性薄塵穢於其自心能自在轉心有
堪能於一切義速證通慧當知是名第四圓
滿若有俱生於一切義其慧廣大聰慧捷利
當知是名第五圓滿應知是名由異熟果如
惡 瑜伽師地論中九
是六種波羅蜜多次第建立由前四種波羅
蜜多資糧自性眷屬守護當知圓滿修諸菩
薩增上戒學由其靜慮波羅蜜多當知圓滿
修諸菩薩增上心學由其般若波羅蜜多當
知圓滿修諸菩薩增上慧學過此三上更無
菩薩學道可得是故此三普攝一切菩薩學

道由此建立波羅蜜多唯有六種除此無有
若過若增

又諸菩薩略有四種所應作事由是普攝一
切所作何等為四一者為證菩提修諸善行
二者由此為先達真實義三者圓證威力四
者成熟有情如是四種菩薩所作當知是先
所說四行如其次第所為所立是故過此更
不建立有諸餘行

本地分中菩薩地第十五

第三持究竟瑜伽處建立品第五之一

依如來住及依如來到究竟地諸佛世尊有
百四十不共佛法謂如來三十二大丈夫相

八十隨好四一切種清淨十力四無所畏三
念住三不護大悲無忘失法永害習氣及一
切種妙智云何如來三十二種大丈夫相一
者具大丈夫足善安住等案地相是大丈夫
大丈夫相二者於雙足下現千輻輪轂輻象
相無不圓滿三者具大丈夫纖長指相四者
惡 瑜伽師地論四九足跟跌長五者手足細軟六者手足網縵七
者立手摩膝八者鑿泥耶膈九者身不偻曲
十者勢峯藏密十一者身相圓滿如諾瞿陀
十二者常光一尋十三者身毛上分十四者
身諸毛孔一一毛生如紺青色螺文右旋十
五者身皮金色十六者身皮細滑塵垢不著

十七者於其身上兩手兩足兩肩及項七處
皆滿十八者其身上半如師子王十九者肩
善圓滿二十者體間充實二十一者身分洪
直二十二者具四十齒皆悉齊平二十三者
其齒無隙二十四者其齒鮮白二十五者頷
如師子二十六者其舌廣薄若從口出普覆
面輪及髮邊際二十七者於諸味中得最上
味二十八者得大梵音言詞哀雅能悅衆意
譬若羯羅頻迦之音其聲雷震猶如天鼓
二十九者其目紺青三十者睫如牛王三十一
者其頂上現烏瑟臧沙三十二者眉間毫相
其色光白螺文右旋是大丈夫大丈夫相

云何如來八十隨好謂兩手足具二十指及
以節爪普皆殊妙是即名為二十隨好兩手
兩足表裏八處手四足四並皆殊妙是即名
為八種隨好兩踝膝股六處殊妙是即名為
六種隨好兩臂肘腕六處殊妙是即名為六
種隨好腰縫殊妙各一隨好兩核殊妙為二
種隨好陰藏殊妙為一隨好兩腎殊妙為一隨
好臍臚齋三並皆殊妙各一隨好兩脇腋乳
並皆殊妙為六隨好腹胃項脊各一隨好如
是所說除頭已上於下身分六十隨好上下
齒鬢並皆殊妙為二隨好齶齶殊妙為一隨
好兩脣眷屬並皆殊妙為二隨好頤善圓滿

惡

瑜伽師地論四十九

為一隨好兩頰圓滿善安其所為二隨好兩
目眷屬並皆殊妙為二隨好兩眉殊妙為二
隨好其鼻二孔並皆殊妙為二隨好其額殊
妙為一隨好角鬢兩耳並皆殊妙為四隨好
頭髮殊妙為一隨好如是所說從頭已上二
十隨好前有六十後有二十摠合說為八十
隨好

如是諸相及諸隨好若諸菩薩始入淨勝意
樂地時已得異熟從此已上諸相隨好展轉
獲得殊勝清淨當知乃至坐菩提座方乃證
得其餘所有四一切種妙清淨等不共佛法
善淨圓滿若下劣者先菩薩時亦已成就始

從清淨勝意樂地一切所有菩提資糧無有
差別能感一切相及隨好又此一切菩提資
糧略有二種謂去菩提若遠若近此中遠者
謂未獲得諸相隨好異熟果時所言近者謂
初獲得諸相隨好異熟果時或從此上展轉
獲得殊勝清淨

惡

瑜伽師地論四九

九

反薄伽梵由所化力為衆宣說造種種業感
得如是相隨好果何以故中化有情於其種
種惡業現行深生喜樂如是種種現行惡業
是所對治感相隨好種種善業是能對治彼
聞如是種種殊勝大果勝利便於如是大果
勝利深生愛樂由是因緣當離諸惡當修諸

善是故為說廣如諸相素怛纜說謂諸菩薩
於戒禁忍及惠捨中善安住故感得足下善
安住相於其父母種種供養於諸有情諸苦
惱事種種救護由往來等動轉業故感得足
下千輻輪相於他有情遠離損害及不與取
於諸尊長先語劣問恭敬禮并合掌起迎修
和敬業於他有情深心所喜所愛賤位不令
乏短及能摧伏自憍慢故感大丈夫纖長指
相即上所說感三相業捨能感得足跟趺長
是前三相所依止故由四攝事攝諸尊長是
故感得手足綢繆奉施尊長塗身按摩沐浴
衣服是故感得手足細軟修諸善法不生喜

足令諸善法展轉增長是故感得左手摩膝
自於正法如實攝受令得究竟廣為他說及
正為他善作給使是故感得墜泥耶脇於其
正法漸次等顯續索轉故於身語意種種惡
業皆能止息於疾病者卑屈瞻侍給施良藥
病力羸頓能正策舉飲食知量於諸欲中曾
惡 瑜伽師地論四九
不低下是故感得身不僂曲於被訶擯無依
有情以法以正慈悲攝受修習慚愧施他衣
服是故感得勢峯藏密於身語意能自防禁
於自攝受及諸飲食皆善知量施病醫藥於
不平等事業攝受及不平等所受用中皆不
隨轉於界互違能令隨順是故感得身相圓

滿如諾瞿陀由業感得立手摩膝即能感得
身毛上分自善觀察親近明智能思微義尊
所居處能淨修治敷舉沐浴唯一住故依一
友故入微義故草葉等穢能蠲除故又能除
去容塵垢故感身毛孔一一毛生如紺青色
螺文右旋能施悅意發喜飲食騎乘衣服莊
嚴具等資身什物離諸忿恚是故感得身皮
金色常光一尋由此業感身諸毛孔一一毛
生當知即此復能感得身皮細滑塵垢不著
以其廣多上妙清淨饒饌飲食惠施大眾皆
令充足由此感得於其身上七處皆滿於諸
有積隨所生起如法所作能為上首而作助

伴離於我慢無諸獷候能為有情遮上無利
安立有利由此感得其身上半如師子王於
一切事稟性勇決如師子故即由此業當知
復感肩善圓滿轉間充實由此業感纖長指
相復即感得身分洪直遠離一切破壞親友
離間語言若諸有情已乖離者能令和合由
惡 瑜伽師地論四九
此感得具四十齒皆悉齊平其齒無隙修欲
界慈思惟法義由此感得其齒鮮白若諸有
情有所怖畏隨其所樂正捨珍財由此感得
頷如師子視諸有情猶如已子愛念救護淨
信哀愍給施醫藥澄淨無穢由此感得於諸
味中得最上味施法味故嘗法味故能淨修

涉變壞味故於雜殺等五種學處能自受護
亦勸他受修悲心故於大法受能正行故由
此感得其頂上現烏瑟膩沙其舌廣薄普覆
面輪常修諦語愛語時語及以法語由是因
緣得大梵音言訶哀雅能悅衆意若羯羅頻
迦之音其聲雷震猶如天鼓普於世間恒常
修習慈心悲哀猶如父母由此感得其目紺
青睫如牛王於有德者如實讚嘆稱揚其美
由此感得眉間毫相其色光白螺文右旋如
是一切三十二種大丈夫相無有差別當知
皆用淨戒為因而能感得何以故若諸菩薩
毀犯淨戒尚不能得下賤人身何況能感大

丈夫相當知此中其頂上現烏瑟膩沙及以
如來無見頂相合立一種大丈夫相離此更
無別可得故如是且說能感相似三十二相
種種業因廣建立已

復次略說在家出家二分菩薩所有四種善

修事業當知能感一切相好謂於此中決定

惡 瑜伽師地論四十九

十二

修作能感足下善安住相委悉修作能感足
下千輻輪相立手摩膝手足網縵身皮細滑

於其身上七處皆滿肩善圓滿轉間充實身

分洪直其舌廣薄恒常修作感纖長指足跟

跌長身不偻曲其身圓滿如諾瞿陀其齒無

隙無罪修作能感餘相當知此中於諸有情

藥損加行由此能感手足細軟身皮細滑於
諸善中次第加行應時加行由此感得墜泥
取膈深生歡喜極光淨心現行諸善由此感
得常光一尋身皮金色其齒鮮白眉間白毫
不依稱譽聲頌修善覆藏已德由此能感勢
峯藏密所修善根迴向菩提由此感得身毛
上分具四十齒皆悉齊平於諸味中得最上
味其頂上現烏瑟膩沙修善無厭無劣加行
由此感得其身上分如師子王領如師子於
諸有情以利益心平等瞻視得齒齊平日緝
青色睫如牛王於下劣善不生喜足起勝加
行由此因緣得大梵音言辭哀雅能悅衆意

譬若羯羅頻迦之音其聲雷震猶如天鼓如是四種善修事業能得菩薩三十二種大丈夫相殊勝清淨

當知如是三十二種大丈夫相八十隨好菩

薩若在種姓地中唯有種子依身而住菩薩

若在勝解行地始能修彼能得方便菩薩若

惡 瑜伽師地論卷九

在清淨增上意樂地中乃名為得菩薩若在

十三

諸餘上地如是相好轉勝清淨若在如來到

究竟地當知相好善淨無上

如是諸相是有色故劣中勝品諸有情類易

了知故雖有一切不共佛法皆得名為大丈夫

夫相唯立此為大丈夫相又即如是三十二

種大丈夫相由所依性能住持故由極殊妙
令端嚴故說名隨好
又於此中以要言之一切有情福聚量等尔
所福聚能感如來一毛孔處乃至一切所有
毛孔隨入福聚尔所福聚能感如來一種隨
好乃至一切所有隨好隨入福聚增至百倍
尔所福聚能感如來相中一相乃至一切所
有諸相隨入福聚除白毫相烏瑟膩沙增至
千倍尔所福聚能感如來眉間白毫乃至白
毫隨入福聚增至百千倍尔所福聚能感如
來其頂上現烏瑟膩沙無見頂相乃至白毫
隨入福聚增至俱胝百千倍數尔所福聚能

感如來諸相隨好所不攝餘大法螺相由此
法螺隨如來欲發大音聲普能遍告無邊無
際諸世界中所化有情如是無量福德資糧
修證圓滿能感如來不可思議無上無等遍
一切種最極圓滿所攝自體又此能感諸相
隨好無量善業當知略由三因緣故說名無
量惡 瑜伽師地論卷九謂經於三無數大劫無間修習乃圓證故
名時無量於諸有情無量利益安樂意樂增
上緣力所集成故名為妙善意樂無量無量
善業差別品類所集成故名品無量故言無
量福德資糧修習圓證能超如來諸相隨好
云何如來四一切種清淨一者一切種所依

清淨二者一切種所緣清淨三者一切種心
清淨四者一切種智清淨

云何一切種所依清淨謂一切煩惱品麁重
并諸習氣於自所依無餘永滅又於自體如
目所欲取住捨中自在而轉是名一切種所
依清淨

云何一切種所緣清淨謂於種種若化若變
若所顯現一切所緣皆自在轉是名一切種
所緣清淨

云何一切種心清淨謂如前說一切心麁重
永滅離故又於心中一切種善根皆積集故
是名一切種心清淨

云何一切種智清淨謂如前說一切無明品
麤重永滅離故又遍一切所知境中智無障
礙智自在轉是名一切種智清淨

云何如來十力一者處非處智力二者自業
智力三者靜慮解脫等持等至智力四者根

勝劣智力五者種種勝解智力六者種種界

惡

瑜伽師地論四九

十五

智力七者遍趣行智力八者宿住隨念智力
九者死生智力十者漏盡智力如是十種如
來智力當知廣如十力經說

當知此中諸有所言所說所宜一切如實皆
無虛妄故名如來淨不淨果非不平等如實
轉因是名為處亦名建立亦名為依亦名為

起淨不淨果不平等因與上相違是名非處
遠離一切增上慢智說名如實若一切智若
無滯智若清淨智當知說名遠離一切增上
慢智如是一切智等諸句當知如前最極無
上菩提品記數之次第最居其首故名第一
以無上故與一切種饒益一切有情功能具
相應故畢竟勝伏一切魔怨大威力故說名
為力攝受如實圓證因故如其所欲皆能現
行自在轉故說名成就最上涅槃以無上故
說名為大八支聖道所證得故遠離一切災
患畏故名仙尊位能自了知自所證故說名
自知既自證已由哀愍心廣為有情等開示

故名轉梵輪何以故謂諸如來有是增語說
名為梵亦名寂靜亦名清涼最初能轉從此
已後餘復為餘如是展轉梵所推運周旋一
切有情衆中故名梵輪自顯墮在最上大師
圓滿攝故能說彼道對治一切餘邪道故於
道怨惡敵異論現前無怯弱故為欲勝伏一切
他論瑜伽師地論四十九宜揚廣大無上論故名大衆中十正師子
吼以要言之當知此中顯發辯了施設開示
自利行滿利他行滿自利利他圓滿不共復
有異門此中略義謂所應得勝方便此勝方
便一切衆會隨所樂欲或天或人一切皆從
我所獲得此勝方便如病除愈當知此顯自

知已得大安隱處如彼疾病除愈方便當知
此顯轉於梵輪如遮一切邪醫自稱顯已決
定能愈衆疾當知此顯於大衆中正師子吼
若有諸業已作已增已減名為過去若有諸
業非是已作已增已減亦非正作而是當作
名為未來若有諸業非是已作已增已減而
是正作正造正為名為現在如是諸業品類
差別復有三種所謂身業語業意業法受分
別復有四種如前廣說謂有法受得現世樂
後若異熟乃至廣說

又此諸業現法當來有益無益加行差別如
應當知若所造業依此方所是名為處若所

造業以有情數非有情數為所依事是名為
事若所造業以不善根或以善根為因緣起
是名為因若所造業感愛非愛過失功德相
應諸果是名異熟如是略說一切時分一切
品類一切分位加行差別一切方所一切依
處一切因緣一切過患及與功德於此一切
惡種類差別皆如實知是名如來自業智力除
瑜伽師地論中九
此無有若過若增

有四靜慮有八解脫即由如是靜慮解脫心
有堪能心得自在隨所樂事皆能成辦若隨
彼彼色類差別三摩地相而入定時當知說
名等持等至如說世尊隨此色類三摩地相

而入定時如其定心大光普照一切梵世妙音說法但聞其聲都無所見乃至廣說如是如來隨欲顯示彼彼事義或共世間不共世間隨此色類三摩地相而入定時速疾能辨當知此中即由靜慮解脫勢力心得自在心自在故依止於心隨所樂事一切成辦齊此名為修靜慮者一切所作除此無有若過若增如來於此靜慮所作一切種類皆如實知是故唯說靜慮解脫等持等至

又若略說此靜慮等有二雜染一者為得所未得中障礙雜染謂無方便善巧加行及以諸蓋隨一現行二者已得所應得中自地雜

染謂煩惱纏及以隨眠如是清淨復有四種
與上相違應知其相

又即如是諸靜慮等種種引發假立名字隨

其色類如應安立是名建立又即如是諸靜

慮等具證得已後更勝進習圓滿得隨所

欲得無艱難得無梗澀是名清淨如來於此

惡 瑜伽師地論卷九

如其未得如其已得於所得中若劣若勝若

彼假名若彼所有增進邊際如是一切皆如

實知故說如來普於一切靜慮解脫等持等

至得無上智如所成熟修證圓滿信等五根

成軟中上當知是名諸根勝劣若從他信以

為其先或觀諸法以為其先成軟中上愛樂

即解當知是各種種勝解若廣建立種種種
性或諸聲聞所有種性或諸獨覺所有種性
或諸如來所有種性或諸不定種性或
貪等行差別道理乃至有情八十千行當知
此中各種種界

若即如是諸趣入門隨順正行如貪行者修
不淨觀如聲聞地已廣宣說當知此等名遍
趣行復有異門謂趣一切五趣之行當知此
等名遍趣行復有異門謂依種種黨類差別
更互相違各各異見異欲諦論互相違背諸
外道類即諸沙門或婆羅門所有諸行或餘
一切品類差別此世他世無罪趣行當知此

等名遍趣行如迦羅摩經等廣說

若於種種有情衆中謂於東方南西北方種種名字假設安立品類差別隨先過去所有自體八言說句差別類中隨念六種略所行行有無量種宿住隨念何等名為八言說句謂如是名如是生類如是種性如是飲食如是領受若樂差別如是長壽如是久住如是所有壽量邊際

惡

瑜伽師地論卷九

十九

何等名為隨言說句六種略行一者呼召假名二者刹帝利等色類差別三者父母差別四者飲食方軌五者興盛衰損六者壽量差別由諸世間依憑如是八言說句六種略行

於自於他起言起說此是我名此是彼名我
 是刹帝利彼是刹帝利我是婆羅門吠舍
 達羅彼是婆羅門吠舍達羅此是我母此
 是彼母如說其母父亦如是我食如是色類
 飲食所謂略漿羹飯糜等彼食如是色類飲
 食乃至廣說我有如是色類興衰差別而轉
 彼有如是色類興衰差別而轉我住如是色
 類年齒所謂或少或中或老彼住如是色類
 年齒乃至廣說唯有尔所隨先過去所有自
 體八言說句差別類中六種略行過此無有
 餘言說句及以略行是故唯於如是品類發
 起隨念更無有增即於此中若言說行所有

行相若言說句所有標說及即於此隨起憶念是故說言并相并說皆能隨念

此中靜慮說名天眼眼依彼故是彼果故彼攝受故名為天眼是極圓滿是善清淨靜慮果故名極清淨於其中所有名字皆不相

似是故說言超過於人欲界天中亦有生得

思 瑜伽師地論四十九

二十

名相似轉清淨天眼人中亦無諸有情類臨欲終沒名為死時住在中有名為生時趣黑闇者由二種相起如是類意生中有如黑羈光及陰闇夜故名惡色趣明白者由二種相起如是類意生中有如精明夜及婆羅痾斯極鮮白衣故名好色諸惡色者說名為劣諸

好色者說名為妙諸下劣者名往惡趣諸勝
妙者名往善趣所有壞戒及彼等起說名成
就諸身語意三種惡行有二邪見謂壞見者
所成邪見誹謗一切及住彼意異品類者所
成邪見誹謗賢聖如是皆名謗賢聖者由邪
見故計著邪因及以邪果由此為緣造作邪
業造邪業故所有法受或現受樂於當來世
受苦異熟或現受苦於當來世受苦於當來
世受苦異熟是故復說起諸邪見業法受因
彼雖成就其餘所有種種善法而但由此往
於惡趣是故說言由此因緣名色二種更平
乖離故名身壞一切死中如是死者最極下

劣故名極死為欲開示那落迦想是故說言
墮險惡趣為欲開示自性體事是故復須說
那落迦由非法行不平等行往趣於彼故名
為險於此趣中觸諸苦觸長時種種猛利無
間受諸苦惱平等出現故名惡趣墮下分故
大深坑故難救拔故甚可悲故極下賤故以
惡 瑜伽師地論四九
大綺言常悲怨故說名為墮由能發起上品
厭離是故唯說墮那落迦當知此中若由此
生若得生已受諸苦惱若受苦已復起所餘
自業所作種種眾苦如是一切由此諸想之
所顯示與上相違隨其所應一切白品皆當
了知此差別者善行為先所有諸趣名為善

趣受極樂故名樂世界
一切諸漏所有隨眠無餘永斷逮得能治勝
無漏心勝無漏慧是其最勝增上心攝增上
慧攝由漏盡故說名無漏心慧解脫即此心
慧二種解脫於最後有說名內證第六神通
由依見道及依修道內所證故既自證已如
實了知隨其所欲能為他說是故說言於現
法中自證通慧具足開覺我生盡等諸句差
別廣說如後攝異門分應知其相

瑜伽師地論卷第四十九

惡

企耶

上丘
智友

輻

音
福

轂輞

二音
谷

織

息
及

廉

跟跌

二音
根

夫

羅	云	梗	反	下	上	肘	迦	陰	舊	網
素	波	翌	惡	音	音	腕	鳥	藏	云	縵
		下	瑜	驢	寬	下	聲	相	馬	官
		上	如	腸	下	上	云	紆	及	下
		俗	師	脰	鳥	知	好	及	古	莫
		作	北	脰	貫	柳	睫	及	暗	暨
		滋	論	脰	及	及	接	音	及	泥
		及	平	脰	上	及	音	及	及	上
		糜	九	脰	音	及	瑟	及	及	一
		友		脰	亦	房	臆	音	及	腸
		密		脰	業	用	臆	音	及	時
		碑		脰	及	兩	臆	音	及	軟
		籀		齧	齧	核	臆	色	及	僂
		友		齧	下	革	臆	下	及	曲
		侯		齧	上	及	臆	及	及	上
		疵		齧	吾	何	臆	胡	及	力
		斯		齧	各	醫	臆	感	及	勢
		友		齧	及	音	臆	及	及	拳
		或		齧	及	臆	臆	及	及	
		注		齧	頤	臆	臆	及	及	
				齧	余	臆	臆	及	及	

山城國綴喜郡薪村
靈瑞山酬恩菴沙門宗桂書寫之

